



DEO OPTIMO MAX.
UNI ET TRINO.

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

QUODLIBETARIIS DISPUTATIONIBUS
*manè discutienda, in Scholis Medicorum, die Jovis quartâ
Martii anni M. DCC. XXXIV.*

M. PAULO-JACOBO MALOUIN,
Doctore Medico, Præside. autore.

An Sagou Phthificis prodest?

I.



U ANQUAM omnes una maneat Nox, hanc tamen omnibus non una inducit Agrotatio. Suos habent morbos Optimates, Plebei, Otiosi & Opifices; habent & suos, Temperamenta, Sexus & Ætates. Ita juvenilis ætas in muliebri præsertim sexu, *Phthifs* maximè obnoxia est. A Parentibus hæc labe contaminatis, quandoque Natis transmittitur; infæusta hereditas! sæpè Matrem & Infantem simul trucidat, eidemque mandat tumulo. Quos officiosa *Phthificis* addidit sedulitas, sæpenumerò laceffit contagiosa; Uxorem & Matritum eodem telo plerumque conficit. Sæpe morbo alio agrotanti per venas

2

terpit perfida. Corporis partes vel omnes absumit; vel præcipuè insidens Pulmonibus, ibi terribilissimam infert vastitatem. Acuta est cum repente ferit ac celeriter necat; Diuturnave cum omnes corporis partes sensim delet ac depascit. Hieme sævit & Æstate, Vere & Autumno; maximè tamen quæ pulmones speciatim afficit, Vere ut plurimum exitialis est: quæ corpus universum, Autumno exacerbat.

Inter *Phthisis* primordia, magis præsentit Medicus, quàm pronuntiat. Facies pallida: Malæ rubescens: turbinatum caput: palatum nimis altè fornicatum: dentes quasi pectinatim commissa: gingivæ albæ: collum longum: convexior cervix: thorax planus & angustus: depressæ scapulæ: mollis & squalida cutis: velox & laboriosa respiratio: in motu vel minimo, magnus anhelitus: tetrum inter odorem abrupta vox, *Phthisim* prænuntiant.

Morbum hunc simplicem ne credas: gradus habet longè inter se diffisos. Febrili cum calore, serotinis præsertim horis sensim obrepit, molesto cum titillationis sensu in thorace, atque siccâ cum tussiculâ quæ nihil emoluit. Post modum, tussis sub auroram exacerbatur: statim sincera, subamaræque sputa prodeunt, mox tenuia & salsa; excreanturque lapilli. In *Phthisi* incipiente comes frequens dolor in latere, pulsus hinc tensus & exilis; vix spiritum ducendi datur libertas: nonnullos commovent molesta sternutationes: in quibusdâ molestant sanguinis fluxiones, atque stomachi obstructa vellicatio; jam oppressio fit pectoris ponderosa ante & retro statim temporibus pungens: sæpe febris erratica cum Lienis dolore: accedunt urinæ fursurose ac rubræ: sitis guttur angit: menstrua in Mulieribus subsident purgationes; aliquando pustulæ erumpunt, vel maculæ apparent quæ terram, deinde fuscæ latissimum colore referunt. Importuna tussis ægrotantem affligit: eliditur quoque in faucibus spiritus, & fervens difficili sputo tumet Pulmo: sæpius dulcia, alba, spumantiaque fiunt sputa: admodum ori polluantur dapes; & eheu quanta tussis, quantus adest anhelitus, quantas movent vomitiones, assumpta alimenta! tunc mucosa ac lubrica facilis ejiciuntur sputa, sanguinis staminibus sæpe intexta: sequitur febris tabida.

Ut plurimum somni initio perturbantur *Phthisici*, præcipientes ab alto, fremebundi, quasi desilirent & immergerentur: alii exiliunt, simulque expergiscuntur: hoc autem temporis puncto, pulsus mirum in modum velox ac tremulus est. Somni autem sub exitu, capitis & colli sudationes infestant, torrida verò pedum molestat siccitas. Quandoque inter ipsam tussim quiescit pulsus, statim verò increscit. Insuperabile adest fastidium: exardescit potationis desiderium; vel avidè appetuntur, vires autem non reficiunt cibi, imò corporis veluti infractionem, febrilemque calorem augent. Jam venter quasi inanis, depressus, atque sursum ad thoracem convulsus; tunc corpus pruriginè afficitur, lurida est facies, scapulæ sunt alatae, sæpius erigitur supra dorsum, obvias hians ut capiet auras: per omnes inspirationes narium pinnae dilatantur: plurimus in pectore strepitus, jam respirationis modum sequuntur pulsus *suburi*. Tandem ubi in unum latus recumbit, urget acrius jacentem inhaerens dolor, acerbiorque fit tussis quàm si in alterum. Fœdior per noctem desperatio: at rapidam nuncians solem aurora compescit mentem, animumque red-

dit. Interea totius corporis habitus uno tenore contabescit, dum concavantur tempora, rigidae invertuntur auriculæ, umbræ rotantur in antro oculi, nares fiunt acutæ, consuntur buccæ, protuberant Maxillæ, depressa sunt labia ac dentibus affixa: os patulum est, parvisque ulceribus asperatum; fauces exardescunt, dolentque, qui dolor ad aurem pertendit ut plurimum (si bene fida nostra observatio) sinistram. ubi verò abest faucium dolor, tunc acuta & molestissima in utraq; aure sæpe tensio est. Sanguifera vasa calidiora quàm circumpositas carnes deprehendit Medicus perspicax. Incurvantur ungues pallidi. Quid quòd pediculorum sæpe molesta est copia; sitque totum strigosum corpus. vides? quæ calamitas!

Jam superficie lævi inæqualiter rotunda sputa, cœnosa, cinerea, purulenta, lutæa, viridia, subcærulea, ferruginea, subnigræ prodeunt. Si prunis ea superfundas, nares fœtore gravi infestari senties: immixtus violarum syrupus virescit: si verò illa in aquam injeceris, huic quasi immisceri, statimque fundum vasis petere videbis: si conqussentur in aquâ, hæc lactescit; desperatam tunc esse rem intelligito. Jam capilli desuunt: plenus effervescit in gutture pulmo, mortisq; crepat omina. Nulla intervenit quies, omnia in pejus ruunt; mira tamen est cogitandi & loquendi facilitas, atque flagrans salutis desiderium ac spes. nequaquam; si sputa prodire desinant; si dentes exardescant admodum: si uvula fervens ulceretur; cum sudoribus nocturnis, atque fœdo alvi profluvio; præcipue si pedes, si manus intumescant, placida brevi obrepit mors, quæ cita & certa, etiam ab initio morbi, si huic accedat *Variola*.

Nec victimam prius mactat crudelis, quàm nutritium succum totum suxerit, omnesque humores infecerit *Phthisis*. Hujusce luis curatio tentanda-ne est sanguinis missio: non-nisi in morbis quos aliquando excipit *Tabes*, usurpanda; tunc extractus sanguis valde calidus, rutilus, ac parum coherens est. Medicamentis-ne? parcè & cautè admodum. Monstrum demulcere, quàm aperto Marte adoriri turius est. Sit medicamentum in Alimento, quod acida obtundendo, muriatica leniendo, chylum sanguini & humoribus congruentem efficiat, liquorumque dissolutioni obstat. Sic labantem nutritionem restitues, humorum corruptionem præcavebis, uno verbo, *Phthisicis* proderis.

I I.

FELIX qui potuit genuinas morborum reperisse causas, atque perspicax in re tam arduâ, obscurâ tantum cernit acutè! factus observationibus dives, ad illorum curationem securè transit. Abstrusa sanè res, ipsum ægrotationum attingisse fontem. Medicorum longè doctissimus *Hippocrates*, veram morborum omnium, quorum rectè observarat *symptomata*, causam non ipse semper agnovit; hinc ad additam supremi numinis virtutem confugere coactus, *τὸ δεινὸν* in morbis arguebat. Ut a mechanicâ pluribus legibus ac diversimodè ordinatâ pendet sanitas; sic a pluribus, diversisque causis procreatur Morbus. E multiplici itidem fonte exurgit *Phthisis*: ab aëre ipso, Vita aliàs incentivo, si marinus est, palustris, aut carbonum præcipue fossilium fumo oppletus. Vel a naturali Pulmonum infirmitate *Tabes* invehitur, cum ab ipso ortu minùs coherentes inter se particule quibus constant fibræ, laxiores ab his effingunt canales, molliores conformant pulmones. Vel nutritiæ lymphæ vitio pulmones

sensum contabescunt, ubi illa nimis glutinosa, minus fluida, magis terrestris, in tenera pulmonum compage concrevit, ipsiusque moles aggeritur; hinc sequuntur obstructions, calor augetur, lapillorumque fit concretio. Vel ab impetu Cruoris in suis principiis à seipso dissidentis, ubi inordinatus fit, & inter-nus, & orbiculatus illius motus; aut ubi rarefcens, lentescensve moratur atque residet in arteriarum præsertim capillarium extremis, maxime ad fines, ubi in venas desinunt arteriæ, nam a lato in angustum per pulmones fluit sanguis, cum hoc in viscere, ipsi arteriis venæ angustiores sint & pauciores; inde in-culationis punctum difficilius in pulmonibus quàm cæteris corporis in partibus transcendit arteriosus cruor: truditur sanguis sanguine, sicque augetur obex; distendit etenim posteriore canalibus parte, angustatur anterior, turgida sanguine vasa comprimunt vicina: compressionis punctum sanguini per latus fluenti ponit obicem; sic concipitur tumor: sic existunt tubercula, quæ quidem suppu-ratura sunt, cum dissolvuntur morati humores, corrumpunturque simul cum suis canalibus; & tunc puris exipuit fit. Integræ verò partes quibus discrimi-nantur tubercula, si una inficiuntur ac putrescunt, incolumi exteriori pulmo-nis membranâ, Vomica fit; & interea conglutinatur ut plurimum cum *Pleurâ* pulmonum pars altera. Vel non suppuratura tubercula, sed sensim increscen-tia spiritûs vias præcludunt, tandemque ægrotantem perimunt. Sæpe etiam Hepar simul obstruitur, unde Bilis secretio minuitur, hinc sputorum sapor & aliquando color, hinc tinguntur intensius urinæ. Quod si in pulmones pitui-tosa & muriatica defluat colluvies, huius fædus illos irritat, scabra sunt ip-sorum involucria & roduntur; hinc *dissepions*: sequitur febricula: succedit par-va ulcera: universum liquefcit corpus. Humida hæc illuvies si per *Medullam oblongatam*, spinalemque defluit, scapularum inde & lumborum fit dolor; in-terioresque Capitis partes vacuæ videntur ipsi esse; depravantur simul succi ner-vorum, hi non nutriuntur; sequitur *Tabes dorsalis*, quæ ut plurimum accidit nimia venere utentibus, vel *gonorrhæa*, albove fluore laborantibus; sic quidem nutritia evanescit lymphæ; hinc corporis intabescit habitus. Si supra coxen-dicem illa tantum effunditur, post diuturnum dolorem crus tabescit, atque nervorum fit resolutio. *Renalis* autem producit Tabes cum spinam circa, ten intumuerit, suppuratusque fuerit, unde febris fit Phthisica. In quibusdam per fæda ulcera alior subtrahitur succus, tabo polluitur sanguis; hinc putrida fit febris. Ubi per Inediam, per Lactatum, per Diabetem, vel per Diarrheas ma-xima fit succorum alibilium consumptio. Ubi per sanguinis fluxiones inanita vasa sanguifera, corporis liquores avidè sorbent, & alibiles deprædantur suc-cos, tunc corporis ambitum alluere desinunt, dum inanitate collapsa feriantur fecerementum tubulorum ora; unde parca vel nulla lymphæ secretio, atque ex hac nulla succi nutritii separatio; hinc propriæ substantiæ consumptio sensim succedit. Vel in strumofum *Mezenterium* chylo præcluditur aditus; hinc san-guis & humores nutrimento suo fraudantur; hinc effecti sunt, statimque in-crescunt & acrimoniam *alkalinam* contrahunt. Vel intra corporis liquores ad-missa alimenta simul corrumpuntur; hinc sæpe illiquefcit corpus. Quin imò *Phthisim* sæpe creat nimia sanguinis copia, quævis quid possit ad tabem *phthisicam* audi: ipsa corrumpitur omnis secretionum ordo, dum sanguis pleno nimis

flumine ruens, vixque suis exceptus vasis, horum distendit comprimitque latera; sic lymphaticorum tubulorum obliquè enascentium aditus humoribus confertim affluentibus, intercluditur; hinc concidit *nutritionis* opus, tabescitque corpus. Suis & ipsè Obesus viribus opprimitur, cum ad summam corporis habitudinem pervenit, majore factâ in ipso humorum collectione quàm dissipatione; hinc varii & diversi liquores simul congesti pugnant inter se, ac dissolvuntur. Pari ferè ratione Juvenes rapit sæpe maturior vis, cum summum incrementi apicem adepti, succos parciùs insumunt; hinc minùs renovantur humores, hinc simul incalescunt; hocque eò magis, quòd juvenili in ætate humores sunt maximè oleosi; contra in Senectute aquosi: in Pueritiâ verò *gelatinosi* magis sunt, multò faciliùs autem *alkalinam* acrimoniam suscipiunt oleosa, quàm & *gelatinosa*, & aquosa; hinc faciliùs in Juventute, quàm in Pueritiâ aut in senio, sanguinis motus internus, in putredinis motum degenerat. Præter hæc, ubi antecesserint malè sanaræ *Pleuritides*, *Peripneumonia*, *Variola*, aut *Morbilli*, sæpe accedit Phthisis; quoniam his incensus sanguis *urinosis* fit & volatilis, atque aliquâ sui parte in pus convertitur, partes quibus insidet adurit, & vicinas serpendo depascit; sic corpus clade horribili sensim absumptum extabescit. Quid plura? quæ solitas egestionibus supprimunt; quæ fluxiones commovent; quæ corporis succos dispergunt, absumunt, corrumpunt-ve; uno verbo, omnium morborum causâ *Phthisim* inducere valent. Hæc autem aliquando causam habent ab acidis, quæ ex alimentis acefcentibus, vel ex agrotantis humorum intemperantiâ oriuntur, scilicet acidorum improbitate sanguis & lymphæ concresecunt, sequunturque obstructions, quibus accessit febris dissolutiones parit. Sæpius à muriaticis *Phthisis* causæ sunt repetendæ, cum natus in Animalibus *ammoniacalis* sal immodicè augetur, vel cum lymphæ ac sanguinis parte oleosâ non satis aptè commiscetur; in aquosâ verò dissolutus, simul cum ipsâ uno agmine defluit; hinc variæ fiunt diluvies, & ab indole nutritia desciscit lymphæ. Hæc ratione divelluntur partes quibus constatur sanguis; tunc quasi evolutæ, *urinosa* fiunt; atque corrumpuntur. Sic indicantur quæ sint nocitura, quæ profutura sint, quibusque auxiliis vincere vim morbi Natura possit. Nil moreris; veneni causas, & vitia, & modos noscīs, Remedium accipe.

I I I.

PHTHISICAM labem, sæpius quàm Galli, experiuntur Britanni; diligentiùs inde remedia quæ ipsos à *Phthisi* incolumes præstarent, investigant. Jam abhinc ferè seculo per Orientis oras navigantes præstantissimum in Tabæ remedium nacti sunt. Hodie autem *Londini* per vicos & plateas vulgò venditur: *Parisius* verò omnibus pene ignotum est. Ex arboris trunco deproimitur. Arbor hæc * *Todda panna* est, *Palmæ* species. In Indiis orientalibus, in * regione *Malabaricâ* præsertim, nascitur. Caudice surgit quadraginta & ultra pedes, alto. Ut plurimum sesquipedalis est hujus diametralis crassities. E terrâ primò erumpens subdio sine caudice conus est. Prima conij tegmina foliacea sunt. Ab horum sinu subinde emergunt folia pinnata, spiculisque armata. Inter hæc, ecce novus fructifer conus exurgere incipit, ubi quintum sextumve annum arbor attingit. Fructifer hic conus reflexos sensim exhibet ramusculos, fructibus ornatos. Fructus oblongus, primùm virefcens pisi magnitudi-

* Vide *Horrii indici Malabarici, Partem septimam. p. 9. Tab. 13, & sequens.*

nem, dein crescens, prunum crassum adæquat, mox flavescit, & omnino maturus ex rubro insulcatur. Ramusculi fructiferi cum foliis ac foliaceis contegminibus decidui, extruberantia sui stigmata relinquunt; sic quotannis prominentem exhibent annulum; sicque assurgit caudex. Centum & ultra extruberantibus annulis distinctis circumdatur. Cortice squamoso, extra cinereo, intra purpureo vestitur. Lignum albicans, molle, ac spongiosum, hoc in frusta cædunt Indigenæ, & in aquam macerandum immittunt; postea strenuè contundunt; deinde colant; tandem subsidere permittunt, claramque aquam supernam effundunt. In ipsorum nutrimentum cedunt remanentes *Facula*: ex his placentas effingunt, atque in panem excoquunt. Illas-ve exsiccant faces & in grana committunt; hoc apud indigenas *Sagon*, apud Britannos, *Sagu* nominatur. Ex *Goâ* atque ex *Bengalâ* in Europam deportatur. *Kéouou* species fuscoalbicans, Aquoso sapore suave est. Evidentem nullum odorem spirat. In aquâ calidâ omnino dissolvitur: in frigidâ vix: in oleis nullo modo: in aquâ vitæ indurefcit. Ex ipso per plures ætivos dies aquâ molito, nullum ope distillationis chimicæ, ardentem-spiritum extrahi; ex omnibus verò fermentatis feminis, spiritus-ardens elicitur. *Sagon* in aquâ calidâ lori cochlear exiguum seminiuncâ grave, in aquæ perpetuò calidæ uncis sexdecim, si per tres circiter horas quiescat, in placentam mollissimam & gummosam concrescit; deinde superna transfunditur aqua, atque *Sagon* remanens & rubellum factum, cochleari accuratè diluitur, sensim refundendo calentem aquam in quâ maceratum fuit, tunc colatur nullis vel paucis remanentibus quilibet, postea igni imponitur, & ubi ebullire incipit, adduntur partitè lactis vaccini uncie sexdecim, atque per solidam sesquihoram æstu æquali fervefactum excoquitur in pultem faciliè sorbilem & suavissimam, cum aliquâ Mellis vel Sacchari temperatione, præcipuè si aquâ simplici sine lacte coquitur. Facilis digestionis cibus est, maxime refocillans, & exquisitissimis mensis ob saporem non indignus. Medicamentum autem inter præstantissima non secundum ad humorum dissolutionem præcavendam, acria quæcumque sive acida, sive muriatica, *alkalina*-ve temperando.

I V.

N I H I L intentatum reliquit gula Hominis fame conciti, vel industriæ luxu abrepti. Hic prope ex universis quæ terra profert, alimenta sibi præparat, Animantium cupidissimus. Ex Plantis, ex Animalibus, quin & ex Fossilibus condiuntur dapes. inter illa quæ humano generi alendo idonea sunt, primas faciliè tenent Fruges; & quò longius ab his cætera recedunt, eò longius de legitimi nutrimenti scopo defleunt. hinc fossilia ad id minus appropinquata: animalia magis. inter hæc, deteriora carnivora: meliora quæ plantis pascuntur; atque ex his eligendæ partes quæ ex plantis minus immutatis constant, ut Lac. Communis Animantium cibus, fruges: ex his simplicissimæ, saluberrimæ, ac suavissimæ depromuntur dapes. Alimentum simul & Medicamentum exhibent; ut alimenta, fruges omnibus naturis sunt utiles; ut medicamenta, imtemperatis cujuscumque sunt, sua cuique in frugibus stat opposita & salutaria materia. Medium tenent plantæ, fossilia inter & animalia. Nativam principiorum in fossilibus simplicitatem plurimum imitantur fruges, sed fixæ nimis, & tubulis jam instructæ, animantium quasi rudimenta sunt; at verò

luis in principiis mindis dissidentes, corruptioni non æquè obnoxia sunt atque animalia horum principia, motu & calore nativo plurimum ad *alkalinam* acrimoniam tendunt; hinc summa carniū ad corruptelam proclivitas; hinc alimenta ex his deprompta, intestinorum lævitatem, dejectiones fœtidissimas sæpius pariunt; ulcerum sordem augent; febrium æstus concitant, unde colliquescent humores. Pisces porrigit; dulcis revera cibus, & plerumque facillè superabilis; sed acrius adhuc & citius quàm cætera animalia in putredinem labuntur. Alimenta autem ex plantarum familiâ deprompta, difficilior in corpore animali corrumpuntur: immutantur verò in humores omnibus secretionibus obeundis aptos, atque animali œconomia sufficentes. Inter illa cæteris multum præstant Farinæ: omnium seculorum usu, comprobatus est cibus ex ipsis depromptus, Alimenti dotibus quas eximie cæteras inter farinarum species possidet *Sagon*, Medicamenti vires addit: gummosum, quamcunque humorum acrimoniam obtundit & lenit; sicque nutriendo, simul corruptionem præcavet. An melius quis habet Phthisicis suadere; secundâ, remedium adhibere quid moraris, alite?

V.

UBIQUE terrarum, omni Ævo, eximias farinarum virtutes arte perscrutari studuit Homo, novitatis cupidus, sic valde tritum in omnibus pene morbis apud Græcos ex *χόνδρω* & *τρώω* alimentum. Apud Romanos primò maximè usitatum fuit Far; deinde Alica ex Zeâ factitia; postremò Far priori diversum, & ex hoc adorea liba conficiebant. Hodie verò Itali suum laudant *Vermicelli*: *Semolam*, *Pedemontani* & *Sabaudi*: *Grutum*, *Armorici* ac *Delplici*; avenaceam *Atheram*, *Neustriaci*, quæ *Habern muos* Germanorum. Ubique variæ venduntur polente: ubique laudantur *Oryza* & *Hordeum* glumis purgatum. At verò his omnibus palmam præcipit *Sagon*; maximè reficiens cibus, benigno calore corpus fovet. oryza verò ardenti sapius hæret stomacho, quem prægravat. Hordeacea ventriculum & intestina flatuum copiâ sollicitant: detergent quidem, sed quas sublevant partes, simul deterunt. Stomacho & intestinis plurimum contra prodest *Sagon*, ea blandè fovendo, humectando, simulque ab humorum saburrâ tuendo. Numquid *Chocolati* usus commodius refocillat; obstat crassius oleum quo depletur *Cacao*: diu sustentat, sed in vasis diutius moratur; corporis liquores commovet; atque cardiacos morbos nonnunquam concitat. in corpore facillè superabile *Sagon* celeriter nutrit, celeriter egeritur. Nec æquè refrigerans est, atque * Avenacea; hæc corporis aquosos humores ad glandulas nimium alliciunt; hinc in *Phthisi* molesta intestinorum augetur lævitas; hinc saliva, liquor *gastricus*, succusque *pancreaticus* vapidi fiunt. Vite nostræ principiis magis amicum *Sagon* ignem animale, vite flammulam non extinguit: tabidum calorem obtundendo, nativi caloris vices obit. Procul esto

* Cum nonnulli etiam petitisissimi scripserint, avenacea calefacere; notandum Avenas pro Regione in qua nascuntur esse habendas; sic in Asiâ & in Africâ, aut nihil profunt aut nocent, ipsis etiam equis. Variæ præterea distinguendæ sunt avenarum species, quarum duas hic agnoscere satis est: scilicet, una avena major hiemalis dicta, quæ scitur mense Septembri; altera avena æstiva dicta, quæ Martio conferitur. Hiemalis autem avena multò magis quàm æstiva refrigerans est. Cæterum avenæ omnes refrigerant, quavis etiam terras calefacerent, ut cum Agricolis loquuntur qui hæc in re à nobis dissentiunt,

in *Phthisi* cibus omnis frumentarius; non enim summovet miseros tumultus & salibus concitatos; contra intendit sanguinis motum, huiusque pars rubra nimia fit. *Sagou* verò chylum blandum cum sanguine non æstantem præbet, atque lympham nutritiam & humectantem, copiosam conficit. Cerealia omnia quoquomodo parata, spirabilia bruta concitare solent. Amygdalina quidem oleo suo leniunt, corruptionem amovent, & calorem phthificum refrænant, sed parum gummosa, parum nutriunt; crassa autem cum sint & prægravia, per corporis canales ægrè viam sibi moliantur: tumescencia humorum principia comprimendo dissociant; hæc seorsim existunt, & gravant. Cerealia inter & Amygdalina medium tenet *Sagou*; guummosum acria lenit: æqualis cibus, leniter cum reficiendis humoribus miscetur: æstantes corporis liquores depri-
mendo, malè coherentes ipsorum partes conjungit & refocillat: februm ardorem compescit, nativum calorem fovet; atque speciatim fluxiones sistit. Sæpe, proh Calamitas! in *Phthisi* confirmatâ, ubi tussim sedas, falsam colluviem leniendo, imminuto sale muriatico, corruptionem foves. Contra debellando corruptionem, tussim aliquando exacerbas, dum *alkalinam* acrimoniam delendo, ad muriaticam revocas. Hoc in statu morbi, muriaticis ita concilianda dulcedo est ut putredinem simul inhibeas: hoc opus, hic labor est. hoc autem assequeris, si, quod adhibes remedium, corruptorum humorum effluxum per cutis meatus sensim promovet, succos lenientes & à putredine maximè abhorrentes in illorum locum sufficiendo. Id aliquando muneris adimplet Lac: muriatica mitigat, atque recentem subministrat nutritiam lympham, dum veterana effluit. At lapsius in stomacho lac acescit; atque semper nocet, ubi aliquo in viscere hæret obstructio. Omnibus autem virtutibus quibus pollet lac, isdem præditum est *Sagou*. non acescit autem lactis modo; cumque in alimentum cedat subtile admodum ac tenue, per obstructa viscera obrepit facillè, isque nutrimentum invehit. Opportunissimum alimentum, præstantissimum medicamentum. Optimum in *Phthisi* ut sit medicamentum in alimeto; & alimentum in medicamento. Utrumque eximium præstabit *Sagou*.

Ergò Sagou Phthificis prodest.

DOMINI DOCTORES DISPUTATURI.

M. Otto-Casimirus Bar- *M. Michael Peaget.*

feknecht.

M. Philippus Hecquet, An-
tiquus Facultatis Deca-
nus.

M. Robertus-Hubertus
Linguet.

M. Nicolaus Letellier.

M. Joannes Baptista Cho-
mel, Medicus Regis or-
dinaris, & è Regiâ
Scientiarum Academiâ
Veteranus.

M. Jacobus-Antonius Mil-
let, Pharmacia Professor.

M. Petrus Afforty.

M. Philippus Caron, An-
tiquus Facultatis Decanus.

Proponebat Parisiis **CLAUDIUS CAROLUS DE JEAN**,
Parisinus, Baccalaureus Medicus, A. R. S. H. 1734.
à sextâ ad meridiem.